



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XII. Idem in Concilio a generali.

[urn:nbn:de:hbz:466:1-74544](#)

refol. 87. Idem permisit Templariis, & Hospitaliis, & iis, qui eorum fraternitati fuissent oblati, ut possent sepeliri in Ecclesi tempore interdicti, *cap. ut privilegia, de privil.* Innocentius IV. sanxit, Episcopos non teneri obseruare interdictum, nisi specialiter ob ipsos sit appositum, *cap. quia, de sent. excom. lib. 6.* Bonifacius VIII. qui valde interdicti rigorem laxavit, statuit ut tempore interdicti liceret christima conficeret *cap. quoniam 19. de sent. excom. in 6.* ubi plura Costa, Barb. de potestate Episcopi alleg. *31. num. 12.* Nardon de *etatis anno 7. quasf. 4.* Severinus in *notis ad epist. 2. Fabiani:* & sacramentum paenitentiae omnibus in universum ministrare, exceptis iis, qui dederunt causam interdicto, & *cap. alia matereod. tit. 3. lib.* statuit ut quotidie in omnibus Ecclesiis & monasteriis, five mo[n]achorum, five monialium, etiam in hospitalibus, submissa voce, ianuis clausis, non pulsatis campanis, exclusis excommunicatis sacrificium offerri possit, *dict. cap. alma*, ubi DD. docent ex veriori opinione idem dicendum esse de oratoriis privatis, & de qualib[er] Missa, five occurrenti, five votiva, & notant Bonifacium accipendum esse de interdicto generali locali, non vero particulari, aut speciali. Tandem statuit, ut in quatuor festivitatibus, Natali Domini, Paschæ Resurrectionis, Pentecostes, & assumptionis B. Mariae suspenderat interdictum, ita ut apertis ianuis, & pulsatis campanis divina celebrentur officia, & omnes admittantur, exceptis interdictis personaliter, qui dedeunt causam interdicto. Martinus V. & Eugenius IV. hoc procererunt ad festivitatem corporis Christi. *Glossa verbo Revelatione, in Clement. 1. dereliquis.* Hugolinus de censur. *dissert. 8. §. 6.* Deinde Leo X. ad festivitatem Immaculatae Conceptionis ut refert Barbosa in *dict. cap. alma, no[n]mer. 18.* Hec procedunt inspecto jure communis ante privilegium Bullæ Cruciatæ, quo inspecto qui illud habent, cum non dederunt causam interdictio, possunt Missam, & alia divina officia audire tempore generalis interdicti in quibuslibet Ecclesiis, vel monasteriis, etiam oratoriis particularibus, exceptis specialiter interdictis, in quibus etiam licet audire Missam quando dici-

tur ad renovandum sacramentum Eucharistie, ut contra Koninch, & Trullench tenent Diana part. 5. tr. 10. *refol. 60. P. Mendo in Bulla, dis. put. 15. cap. 3. num. 12.* Prodest etiam privilegium Bullæ ad hunc effectum, non solum illis, qui eam habent, verum etiam consanguineis vique ad quartum gradum, & famulis veris, non vero fraudulosè receptis, nec discipulis, eo quod magister privilegio Bullæ portatur, ut volebat Trullench. *in Bullam, lib. 1. §. 3. dub. 3.* Conceditur etiam prædictis pertinere virtute Bullæ, ut possint sacramenta recipere, ea videlicet, que adhuc alia constitutione non permittebantur, videlicet sacramenta Ordinis, Extrema Unctionis, Eucharistie, ac Matrimonij. Circa matrimonium autem notandum est, ab illo privilegio Bullæ validè contrahit, five de futuro, five de praesenti, tempore interdicti, cum nemo neget etiam ab excommunicatis validè celebrari, *cap. significati, de to qui duxit in matrim.* Unde privilegio Bullæ tantum conceditur, ut licet possint benedictiones nuptiales à proprio parochio recipi: conceditur etiam cautum esse circa pulsationem campanarum tempore interdicti: unde hodie exceptis prædictis festivitatibus, non licet tempore interdicti pulsare campanas, five magnas, five parvas, immò tuba, tabula, aut cursore debere clericos ad officia divina vocari, resolvunt Suarez, Avila, Gibalitus, & Leander de hac censura agentes: manè tamen, meridie, ac sero, & ad convocandum populum ad audiendum verbum Dei possunt pulsari, ut pluribus relatis tradit Barbosa *lib. 3. vero 102. num. 33.* Nec etiam circa ianuas Ecclesiæ aperiendas aliquid specialiter cautum est: unde nisi in prædictis festivitatibus non licet eas aperire, adeo ut qui perforaverint ianuas, aut fenestras in eis fecerint, ut qui non possint Ecclesiam ingredi, audiant divina officia, excommunicentur *in Clement. 1. de sent. excomm.*

CAPUT XII.

Idem in Concilio generali.

Omnis utriusque sexus fidelis, postquam ad annos^b discretionis pervenerit, omnia sua solus peccata confiteatur fideliter, saltem simul in anno, proprio sacerdoti, & injunctam sibi paenitentiam pro virili studeat adimplere, fuscipiens reverenter ad dominum in Pascha Eucharistie sacramentum, nisi forte de consilio proprii sacerdotis ob aliquam rationabilem^c causam ad tempus ab ejus perceptione duxerit abstinentem, alioquin & vivens ab ingressu Ecclesia arceatur, & moriens careat christiana sepulturæ. Unde hoc salutare statutum frequenter in Ecclesiis publicetur, ne quisquam ex ignorantia cæcitate velamen excusationis assumat. Si quis autem alieno sacerdoti voluerit justa de causa sua confiteri peccata, licetiam prius postulet, & obtineat à proprio sacerdote, cum aliter ille ipsum non possit solvere, nec ligare. Sacerdos autem sit discretus, & cautus, ut more periti^f medici similiter infundat vinum, & oleum vulneribus sauciati: diligenter inquirens & peccatoris circumstantias, & peccati, per quas prudenter intelligat, quale illi debeat consilium præbere, & cuiusmodi remedium adhibere, diversis experimentis utendo ad sanandum agrotum. *g* Caveat autem omni studio, ne verbo, aut signo, aut alio quovis modo procedat aliquatenus in peccatorem: sed si prudentiori consilio indiguerit, illud absque ulla expressione cautè requirat.

requirat. Quoniam qui peccatum pœnitentiali judicio sibi detectum præsumperit reuelare, non solum à sacerdotali officio deponendum decernimus, verum etiam ad agendum pœnitentiam in arctum monasterium retrudendum.

NOTÆ.

1. ^a Generali.) Lateranensi videlicet celebrato sub Innocentio III. ut habetur in c. 2. hoc tit. in 4. collect. & in ipso Concil. Lateran. cap. 21. Cùm enim in ipso Concilio varia circa Sacraenta, & fidem contra Hæreticos statuta essent, præceptum hoc annua confessionis noviter statutum fuit, ut notavit Cujacius in orat. de confessione, quæ extat ad calcem comment. in ius canonicum. Licet antea Wilhelmus Parisiens. Episcopus in suis constitutionibus, tom. 26. Concil. can. 3. ita statuerit: Presbyteri parochianos suos moneant, & frequenter in Ecclesiæ suis denuncient, quod omnes saltem Patres familias, & matres ad confessionem veniant ante Pascha Floridum: & qui in hoc negligentes fuerint, in pœnam usque post octavas Pasche ad confessionem non admittantur, sed usque ad illud tempus à carnis jejunabunt, sicut in Quadragesima.
2. ^b Discretionis.) Hanc etatem discretionis vulgo pro septenario accipiunt DD. relati à Narbona de etate ad actus humanos. anno 7. 9. 7. Sed verius est, tempus hoc relinquì arbitrio confessarii, qui inspecta pueri qualitate, & moribus, & per pensis alii circumstantiis, an ad interrogatio ordinatè responsū præbeat, & quod magis malitiam detergit, utrum peccata cognoscat, judicabit an sit doli capax, necne, ut probat Narbona ubi proxime; & eodem tempore, videlicet cum ad annos discretionis puer pervenerit, ipsum posse admitti ad communionem corporis Domini, probat Joannes Sanchez in select. dis. 26. per tot. contra communem Doctorum sententiam, qui asserunt, saltem usque ad annum decimum & dimidium non posse pueros admitti ad communionem Eucharisticam.
3. ^c Proprio sacerdoti.) Id est parochio, ut infra probavimus, & latè docet Balboa in repetit. ad hunc textum. Hodie autem post privilegium Bullæ, & ampla privilegia Religionibus concessa, Parochus pro confessionibus audiendis ferè negligitur. De hac facultate audiendi confessiones religiosi concessa, videndi sunt Corjolanus in notis ad Concil. Rhemense, in addit. summe, fol. 71. Bruno Cassaing, de privil. regal. tr. 2. propos. 2. c. 6. per tot. Araujo in decis moral. qu. 8. cum sequent. Theophilus tom. II. fol. 152.
4. ^d Ad minus.) Quia olim in tribus Paschæ festivitatibus, necnon teria 5. cœnæ Domini communicandum erat, c. & si frequenter, cum sequent. de consecrat. dis. 2. probat de communione quotidiana, & Paschaliam apud veteres usitata. Theophilus tom. 16. in Heterocl. sp̄rit. pñcto 4. & plura de hoc præcepto annuo communicandi congeserunt Fagundez, & Tamburinus in 2. præcept. Eccles. Leander I. de sacram. dis. 3. q. 21. usque ad 62.
5. ^e Rationabilem causam.] Veluti quando confessarius differt absolutionem, ut experitur an propositum pœnitentis firmum sit, ut cum aliis docet Joannes Sanchez in select. dis. 9. n. 3. aut quia absolvere ipsum injustum judicaverit, donec pœnitens occasionem proximam peccandi vitaret; quibus in casibus fidelis non communicans in Paschate minimè erit reus præcepti ecclesiastici, nec pœnas impositas in pœnitenti textu patietur, ut probat idem Joannes Sanchez dis. 26. n. 9.
6. ^f More periti medici.) Consonant textus in D. D. Gonzal. in Decretal. Tom. V.

^c Deus qui, hoc tit. c. mensuram 86. de pœn. dis. 1. D. Basilus in epist. ad Amphilius. can. 2. Synodus Mentinis celebrata anno 859. can. 10. c. tempora pœnitentias 26. q. 7. Unde olim erat in qualibet Ecclesia clericus pœnitentiarius pro pœnitentiis injungendis, cuius mentio fit in cap. questum hoc tit. de quo egi in c. 2. & 8. de offic. ordin. Est enim in sacerdotis arbitrio, qui pœnitentium confessiones excipit, pœnas satisfactorias mitigare, & benignius cum ipsis peccatoribus agere, quos viderit de admisis reatibus majori dolore correptos. Extat insignis epistola increpatioria S. Dionysii ad Demophilum monachum, qui bonum sacerdotem convitatus fuerat, quod miseratus fuisset pœnitentis, ipsumque delicta sua cum intimi doloris judicio confitembenignè excepisset: rectè enim functionem hunc sacerdotem asserit suo ministerio, cuius proprium est plebis ignorantias tolerare, aliorum infirmitates suā ex fragilitate metiri, Christi mansuetudinem imitari, qui summa semper benignitate, & misericordia peccatores ad se venientes complexus est.

^g Caveant autem.) Hanc partem de obligacione sigilli confessionis, & pœnis illud violantium retuli, & exposui in cap. 2. de offic. ordin.

COMENTARIUM.

⁷ IN præsenti textu agitur de confessione auriculari, quam nimis imprudenter negant hæretici, & Novatores ut recenter ab Ecclesia institutam rei- ciunt, & tantum peccata Deo esse confitenda asserunt, quos reprehendit Alcuinus in epist. Fratribus & Paribus in Provincia Gothorum, ibi: Dicitur vero, neminem ex laicis suam velle confessionem sacerdotibus dare, quos à Deo Christo cum sanctis Apostolis ligandi solvendique potestatem accepisse credimus, &c. Deo vis, o homo confiteri, quem volens, nolens latere non poteris. Ecclesiæ Christi, in qua peccasti, sati facere negligis. Et ut antiquitatem hujus confessionis reperamus, Simplicius Pontifex ante annos 120. constituit ad SS. Petrum & Paulum Apostolos, & S. Laurentium Martyrem, ut presbyteri ibi manerent propter pœnitentes, & baptizatum, teste Anastasio, Biblioth. in Concil. Ticensis apud Infusbris, c. 6. ubi ita cayetur: Qui occulte deliquerunt, illis confiteantur, quos Episcopi, & plebius Archipresbiteri idoneos ad secretiora vulnera mentium medicos elegirent. In Synodo Francia sub Carolo Magno ita legitur: Ut unusquisque Prefectus unum presbyterum habeat, qui hominibus peccata confitentibus judicare, & indicare pœnitentiam possit. Quod repetitum est libr. 5. Capituli. cap. 2. & libr. 7. Capit. 113. ita legitur: Ut nullus sacerdos in hostem pergit, nisi duo, vel tres tantum Episcopi electione ceterorum, propter benedictionem & prædicationem, populū reconciliacionem, & cum illis electi sacerdotes qui bene sciant populis pœnitentias dare, Missas celebrare, de infirmis curam habere. Concil. Cabillon. 2. sub Carolo, can. 33. postquam graviter reprehendit eos, qui solummodo Deo confitenda esse peccata contendebant, ait: Confessio itaque, quæ Deo sit purgat peccata; ea vero, quæ sacerdoti sit, doceat qualiter ipsa purgantur peccata; Deus namque salutis, & sanctitatis auctor, & largitor plerumque hanc præbet sua potentia invisibilis administratione, plerumque medicorum operatione. Et libr. 7. Capitul. cap. 194. ibi: Querendum namque que

que est sacerdoti, cum accipit cuiuslibet fidelis confessionem peccatorum, qualiter primò peccatum perpetratum, aut si postea iteratum, aut frequenter actum sit. Idem Concil. Cabilon. cap. 45. Qui peccata sua sacerdotibus, in quorum sunt parochi, confessi sunt, & ab his agenda penitentiae consilium acceperunt, si orationibus insistendo, eleemosynas largiendo, vitam emendando, mores componendo, Apostolorum limina, vel quorumlibet Sanctorum in invisiere desiderant, horum est devotio modis omnibus collaudanda. Concilio Parisi. lib. I. cap. 13. reprehendunt Presbyteri, & Parochi, qui reliqua parochia forensibus negotiis se implicant, aut paulo liberius vagantur, non attendentes, quod eorum absentia, & loca Deo dicata sibi cultu debito priventur, & homines sine confessione, & infantes sine baptisatis regeneratione plerumque moriantur. Eiusdem Concilii cap. 32. Patres damnant sacerdotes illos, qui patim incuria, partim ignorantia modum penitentiae reatum suum confitentibus secus quam jura canonica decernant, imponunt: quapropter statuant, ut presbyteri imperiti solerti studio ab Episcopis suis instruantur, qualiter & confitentium peccata disertè inquirere, eisque congruum modum secundum canoniam auctoritatem penitentiae noverint imponere. In penitentiali Romano tit. 7. cap. 12. Sprevisi Missam, vel orationem, vel oblationem conjugati presbyteri, ita dico, ut nolles tua peccata sibi confiteri, vel ab eo accipere corpus, & sanguinem Domini, ob hoc, quia peccator tibi esse videretur, uno anno penitentias. Et titulo 8. cap. 3. Omnes, quos in penitentias suscipimus ita nostri spirituales sunt filii, ut ipsi, quos vel nobis suscipientibus, vel sub tria mersionis vocabulo mergentibus, unda sacri baptismi regeneraverit. Concil. illiber. can. 32. Carthag. can. 13. ibi: Ut Episcopus à communione non suspendat eum, quem afferit de peccato aliquo sibi soli fuisse confessum. Carthag. 4. can. 74. Vnde sacerdotes penitentiam imploranti absque persona acceptance penitentia leges injungant, meminerunt huius confessionis, eamque probarunt Tertullianus lib. de penitent. D. Hieronymus in cap. 10. Ecclesiast. Basili. in qq. compend. explicatis, explicat. 26. Cyriillus lib. 3. in Levit. cap. 5. D. Augustinus lib. de util. pñt. sive homil. 50. Theodoretus de Andianis hereticis, Leo Pontifex epist. 57. & 78. Dionylius Areopag. epist. 8. & alii congesisti à Pamelio in notis à D. Cyprianum de lapis. n. 98. probant Bellarminus lib. I. de sacr. cap. 1. & lib. I. de pñt. cap. 15. Baronius anno 56. Wadingus in notis ad epist. 2. D. Francis, Zypeus lib. 5. consol. jur. Pontif. consult. 2. Crespetius in summa, verbo Confessio. Sotus in 4. dist. 18. q. 1. art. 1. Vega de justit. lib. 3. c. 28. Unde D. Antoninus 3. part. summa, cap. 18. tit. 14. dum ait post præsentem Decretalem confessionem peccatorum fuisse necessariam, non ita est accipiendum, quasi confessio sacramentalis ab hoc tempore Innocentii fuerit necessaria, vel tunc primum instituta; sed tantum, quod per hanc celebrem decratalem nihil aliud, quam tempus, in quo præceptum confessio- nis sit adimplendum, præstabilitur. sicut enim absurdum est dicere communionem sacram in hac ipsa Decretali institutam fuisse, quamvis in ea communicandi tempus statueretur; sic tamen à vero abhorret afferre, tunc fuisse institutam confessionem, quamvis ibi tempus confitendi fuerit determinatum. Nec favent Novatoribus D. Chrysostomus homil. 2. in Psalmum 50. in illis verbis: Peccata tua dicitur, ut deales illa: si confunderis alicui dicere, quia peccasti, dicio ea quotidie in anima tua; non dico ut confitearis conservo tuo, sed dicio Deo, qui curat ea. Et homil. 4. de Lazaro: Cur igitur pudescis? Et omnes confiteris peccata tua: Cave enim homini dixeris, ne tibi exprobret; nec enim conservo confiteris, ut in publica proferas; sed ei, qui Dominus est, qui me dicens est, ostendis vulnera tua: nec enim ignorat, et iam si ei non dixeris. Cassianus col. 20. c. 8. ib. Quid si vere conditare retrahente revelare coram hominibus erubescis, illi, quæ latè non possunt, confiteri eajus supplicatione non desinas, ac dicere: Iniquitatè mea ego cognosco. & peccatum meum contra me est semper: tibi soli peccavi, & malum coram te feci. Quis absque ullius vere, undia publicatione curare, & sine improperiis damnare confuevit. Nam haec, & similia, tum Chrysostomi, tum Cassiani dicta non sunt intelligenda de secreta, & sacramentali confessione, in qua homo confitetur sacerdoti, non ut homini, sed ut Deo, id est Dei vicario; sed de publica penitentia, que publicè fiebat in Ecclesia, iuxta ritus relatos supra in e. i. hoc sit. docent Sixtus Senensis lib. 5. Biblioth. annot. 165. Baronius tom. 1. anno 56. Magister in 4. sent. dist. 17. ubi postquam dixit, peccata primum Deo, deinde sacerdoti esse confitenda, subdit hec verba: Illud Ioannis Chrysostomi superius possum, non est ita intelligendum, ut licet alicui, si tempus habeat, sacerdoti non confiteri, sed quia sufficit ubi crimen occultum est, soli Deo per sacerdotem dicere, & semel: nec oportet publicari coram multis quod occultum est, quod non avit dicens: Non tibi dico, ut te prodas in publicum; sicut enim publica noxa publico egere remedio, ita & occulta secretæ confessione, & occulta satisfactione purgatur. Nec necesse est, ut quod sacerdoti semel confessi sumus, iterum confitemur: sed lingua cordis, non carnis apud verum judicem id jugiter confiteri debemus. Magistrum sequitur Gazeus in notis ad Cassian. col. 20. c. 8. Non ergo D. Chrysostomus docere vult, confessionem petens, etiam sacramentalē soli Deo factam sufficere, sed vult Deo potissimum confitendum esse, qui remittit peccata: vel etiam ut ostendat, quod qui sacerdoti confitetur, Deo confitetur, ita ut nihil debeat timere: vel denique ut ostendat, hoc secretum iudicium non esse simile secularibus, quod in hoc nulli sunt timendi testes, nulla poena, nulla infamia; & tandem abest, ut velit nos à sacerdotali confessione revocare, ut magis horretur ad eam, utpote tanquam Deo factam, tanquam secretam, tutam, & minimè periculosam, ut docet Darsis de penitentia cap. 15.

CAPVT XIII.

Idem in a eodem.

Cum infirmitas corporalis nonnunquam ex peccato proveniat dicente Domino languido, quem sanaverat: Vade & amplius noli peccare, ne deterius aliquid tibi contingat: præsenti decreto statuimus, & districte præcipimus medicis corporum, ut cum eos ad infirmos vocari contigerit, ipsos ante omnia moneant, & inducent